

春秋經傳比事

春秋經傳比事卷十四

閩 林春溥 鑑塘

襄公

四

二十有八年

丙辰

春無冰

二十八年春無冰梓慎曰今茲宋鄭其饑乎歲在星紀而淫於立枵以有時菑陰不堪陽蛇乘龍龍宋鄭之星也宋鄭必饑立枵虛中也枵耗名也土虛而民耗不饑何爲

○夏齊侯陳侯蔡侯北燕伯杞伯胡子沈子白狄朝于晉宋之盟故也齊侯將行慶封曰我不與盟何爲於晉陳文子曰先事後賄禮也小事大未獲事焉從之如志禮也雖不與盟敢叛晉乎重亡之盟未可忘也子其勸行

夏衛石惡出奔晉

衛人討甯氏之黨故石惡出奔晉衛人立其從子圃以守石氏之祀禮也

邾子來朝

邾悼公來朝時事也

秋八月大雩

秋八月大雩旱也

○蔡侯歸自晉入于鄭鄭伯享之不敬子產曰蔡侯其不免乎曰其過此也君使子展廷勞於東門之外而傲吾曰猶將更之今還受享而惰乃其心也君小國事大國而惰傲以爲己心將得死乎若不免必由其子其爲君也淫而不父僑聞之如是者恆有子禍

仲孫綏如晉

孟孝伯如晉告將爲宋之盟故如楚也

○蔡侯之如晉也鄭伯使游吉如楚及漢楚人還之曰宋之盟君實親辱今吾子來寡君謂吾子姑還吾將使駟奔問諸晉而以告子大叔曰宋之盟君命將利小國而亦使安定其社稷鎮撫其民人以禮承天之休此君之憲令而小國之望也寡君是故使吉奉其皮幣以歲之不易聘於下執事今執事有命曰女何與政令之有必使而君棄而封守跋涉山川蒙犯霜露以逞君心小國將君之望敢不唯命是聽無乃非盟載之言以闕君德而執事有不利焉小國是懼不然其何勞之敢憚子大叔歸復命告子展曰楚子將死矣不脩其政德而貪昧

於諸侯以逞其願欲久得乎周易有之在復三三之頤  
三三曰迷復凶其楚子之謂乎欲復其願而棄其本復  
歸無所是謂迷復能無凶乎君其往也送葬而歸以快  
楚心楚不幾十年未能恤諸侯也吾乃休吾民矣神竈  
曰今茲周王及楚子皆將死歲棄其次而旅於明年之  
次以害鳥帑周楚惡之○九月鄭游吉如晉告將朝于  
楚以從宋之盟子產相鄭伯以如楚舍不爲壇外僕言  
曰昔先大夫相先君適四國未嘗不爲壇自是至今亦  
皆循之今子草舍無乃不可乎子產曰大適小則爲壇  
小適大苟舍而已焉用壇僑聞之大適小有五美宥其  
罪戾赦其過失救其菑患賞其德刑教其不及小國不  
困懷服如歸是故作壇以昭其功宣告後人無怠於德

小適人有五惡說其罪戾請其不足行其政事其其職  
貞從其時命不然則重其幣帛以賀其福而弔其凶皆  
小國之禍也焉用作壇以昭其禍所以告子孫無昭禍  
焉可也

齊慶封來奔

齊慶封好田而老酒與慶舍政則以其內實遷于盧蒲  
嬖氏易內而飲酒數日國遷朝焉使諸亡人得賊者以  
告而反之故反盧蒲癸癸臣子之慶舍有寵妻之慶舍之  
士謂盧蒲癸曰男女辨性子不辟宗何也曰宗不余避  
余獨焉辟之賦詩斷章余取所求焉惡識宗癸言王何  
而反之二人皆嬖使執寢戈而先後之公膳日雙雞饗  
人竊更之以鶩御者知之則去其肉而以其洎饋子雅

子尾怒慶封告盧蒲癸盧蒲癸曰譬之如禽獸吾寢處  
之矣使析歸父告晏平仲平仲曰嬰之衆不足用也知  
無能謀也言弗敢出有盟可也子家析歸父曰子之言云  
又焉用盟告北郭子車子車曰人各有以事君非佐之  
所能也陳文子謂桓子曰禍將作矣吾其何得對曰得  
慶氏之木百車於莊文子曰可慎守也已盧蒲癸王何  
卜攻慶氏示子之兆曰或卜攻讎敢獻其兆子之曰克  
見血冬十月慶封田于萊陳無字子桓從丙辰文子使召  
之請曰無字之母疾病請歸慶季封卜之示之兆曰死  
奉龜而泣乃使歸慶嗣聞之曰禍將作矣謂子家慶封字  
速歸禍作必於嘗歸猶可及也子家弗聽亦無悛志子  
息慶封曰亡矣寺而獲在吳越陳無字濟水而戕舟發梁

盧蒲姜謂癸曰有事而不告我必不捷矣癸告之姜曰  
夫子愎莫之止將不出我請止之癸曰諾十一月乙亥  
嘗于大公之廟慶舍泄事盧蒲姜告之且止之弗聽曰  
誰敢者遂如公麻嬰爲尸慶隼爲上獻盧蒲癸王何執  
寢戈慶氏以其甲環公宮陳氏鮑氏之圉人爲優慶氏  
之馬善驚士皆釋甲束馬而飲酒且觀優至於魚里樂  
高陳鮑之徒介慶氏之甲子尾抽桷擊扉三盧蒲癸自  
後刺子之王何以戈擊之解其左肩猶援廟桷動於臺  
以俎壺投殺人而後死遂殺慶繩麻嬰公懼鮑國曰羣  
臣爲君故也陳須無以公歸稅服而如內宮慶封歸遇  
告亂者丁亥伐西門弗克還伐北門克之入伐內宮弗  
克反陳于嶽請戰弗許遂來奔獻車於季武子美澤可



以鑑展莊叔見之曰車甚澤人必瘁宜其亡也叔孫穆子食慶封慶封汜祭穆子不說使工爲之誦茅鴟亦不知旣而齊人來讓奔吳吳句餘予之朱方

公羊作防穀梁作鍾離

聚其族焉而居之富於其舊子服惠伯謂叔孫曰天殆富淫人慶封又富矣穆子曰善人富謂之賞淫人富謂之殃天其殃之也其將聚而殲旃

○癸巳天王崩未來赴亦未書禮也○崔氏之亂喪羣公子故鉏在魯叔孫還在燕賈在句瀆之亡及慶氏亡皆召之具其器用而反其邑焉與晏子抑殿其鄙六十弗受子尾曰富人之所欲也何獨弗欲對曰慶氏之邑足欲故亡吾邑不足欲也益之以抑殿乃足欲足欲亡無日矣在外不得宰吾一邑不受抑殿非惡富也恐失富

也且夫富如布帛之有幅焉爲之制度使無遷也夫民  
生厚而用利於是乎正德以幅之使無黜嫚謂之幅利  
利過則爲敗吾不敢貪多所謂幅也與北郭佐邑六十  
受之與子雖邑辭多受少與子尾邑受而稍致之公以  
爲忠故有寵釋盧蒲嬰于北竟求崔杼之尸將戮之不  
得叔孫穆子曰必得之武王有亂臣十人崔杼其有乎  
不十人不足以葬旣崔氏之臣曰與我其拱璧吾獻其  
楸於是得之十二月乙亥朔齊人遷莊公殯于大寢以  
其棺尸崔杼於市國人猶知之皆曰崔子也

十有一月公如楚

爲宋之盟故公及宋公陳侯鄭伯許男如楚公過鄭鄭  
伯不在伯有廷勞於黃崖不敬穆叔曰伯有無戾於鄭

鄭必有大咎敬民之主也而棄之何以承守鄭人不討必受其辜濟澤之阿行潦之蘋藻實諸宗室季蘭尸之敬也敬可棄乎

丁有二月甲寅天王崩

王人來告喪問崩日以甲寅告故書之以微過也

乙未楚子昭卒

及漢楚康王卒公欲反叔仲昭伯曰我楚國之爲豈爲人行也子服惠伯曰君子有遠慮小人從邇飢寒之不恤誰迎其後不如姑歸也叔孫穆子曰叔仲子專之矣子服子始學者也榮成伯曰遠圖者忠也公遂行宋向戌曰我一人之爲非爲楚也飢寒之不恤誰能恤楚姑歸而息民待其立君而爲之備宋公遂反

○楚屈建卒趙文子喪之如同盟禮也

二十有九年

丁巳○周景王貴元年○楚  
鄭釁元年○燕惠公元年

春王正月公在

楚

二十九年春王正月公在楚釋不朝正于廟也楚人使公親薨公患之穆叔曰被殯而薨則布幣也乃使巫以桃茢先被殯楚人弗禁既而悔之

○二月癸卯齊人葬莊公于北郭○夏四月葬楚康王公及陳侯鄭伯許男送葬至于西門之外諸侯之大夫皆至于墓楚邾敖卽位王子圍爲令尹鄭行人子羽曰是謂不宜必代之昌松柏之下其草不殖

夏五月公至自楚

穀梁曰喜之也殆其往而喜其反此致君之意義也

公還及方城季武子取卞使公治問璽書追而與之曰

聞守卞者將叛臣帥徒以討之既得之矣敢告公治政  
使而退及舍而後聞取卞公曰欲之而言叛祇見疏也  
公問公冶曰吾可以入乎對曰君實有國誰敢違君公  
與公治冤服固辭強之而後受公欲無入榮成伯賦式  
微乃歸五月公至自楚公冶致其邑於季氏而終不入  
焉曰欺其君何必使余季孫見之則言季氏如他日不  
見則終不言季氏及疾聚其臣曰我死必無以冤服斂  
非德賞也且無使季氏葬我

庚午衛侯衎卒

○葬靈王鄭上卿有事子展使卽段往伯有曰弱不可子  
展曰與其莫往弱不猶愈乎詩云王事靡盬不遑啟處  
東西南北誰敢寧處堅事晉楚以蕃王室也王事無曠

何常之有遂使印段如周

閹弑吳子餘祭

公羊曰閹者向門人也刑人也君子不道刑人逆刑人則轉死之道也

吳人伐越獲俘焉以爲閹使守舟吳子餘祭觀舟閹以刀弑之

鄭子展卒子皮卽位於是鄭饑而未及麥民病子皮以子展之命餽國人粟戶一鍾是以得鄭國之民故罕氏常掌國政以爲上卿宋司城子罕聞之曰鄰於善民之望也宋亦饑請於平公出公粟以貸使大夫皆貸司城氏貸而不書爲大夫之無者貸宋無飢人叔向聞之曰鄭之罕宋之樂其後亡者也二者其皆得國乎民之歸也施而不德樂氏加焉其以宋升降乎

仲孫羯會晉荀盈齊高止宋華定衛世叔儀

儀公羊作齊

鄭公

孫段曹人莒人滕人薛人小邾人城杞

穀梁曰古者天子封諸侯其地足以

容其民其民足以滿城以自守也杞危而不能自守故諸侯之大夫相帥以城之此變之正也

晉平公杞出也故治杞六月知悼子合諸侯之大夫以城杞孟孝伯會之鄆子大叔與伯石往子大叔見大叔文子與之語文子曰甚乎其城杞也子大叔曰若之何哉晉國不恤周宗之闕而夏肄是屏其棄諸姬亦可知也已諸姬是棄其誰歸之吉也聞之棄同卽異是謂離德詩曰協比其鄰昏姻孔云晉不鄰矣其誰云之齊高子容與宋司徒見知伯女齊相禮賓出司馬侯言於知伯曰子皆將不免子容專司徒侈皆亡家之主也知伯曰何如對曰專則速及侈將以其力斃專則人實斃之將及矣

晉侯使士鞅來聘

范獻子來聘拜城杞也公享之展莊叔執幣射者三耦公臣不足取於家臣家臣展瑕展玉父爲一耦公臣公巫召伯仲顏莊叔爲一耦鄆鼓父黨叔爲一耦

杞子來盟

晉侯使司馬女叔侯來治杞田弗盡歸也晉悼夫人愠曰齊也取貨先君若有知也不尙取之公告叔侯叔侯曰虞虢焦滑霍揚韓魏皆姬姓也晉是以大若非侵小將何所取武獻以下兼國多矣誰得治之杞夏餘也而卽東夷魯周公之後也而睦於晉以杞封魯猶可而何有焉魯之於晉也職貢不乏玩好時至公卿大夫相繼於朝史不絕書府無虛月如是可矣何必瘠魯以肥杞



且先君而有知也母寧夫人而焉用老臣杞文公來盟

書曰子賤之也

吳子使札來聘

公羊曰吳無君無大夫此何以有君有大夫賢季子也何賢乎季子讓國也穀梁曰

吳子稱子何也善使延陵季子

吳公子札來聘見叔孫穆子說之謂穆子曰子其不得

死乎好善而不能擇人吾聞君子務在擇人吾子爲魯

宗卿而任其大政不慎舉何以堪之禍必及子請觀於

周樂使工爲之歌周南召南曰美哉始基之矣猶未也

然勤而不怨矣爲之歌邶鄘衛曰美哉淵乎憂而不困

者也吾聞衛康叔武公之德如是是其衛風乎爲之歌

王曰美哉思而不懼其周之東乎爲之歌鄭曰美哉其

細已甚民弗堪也是其先亡乎爲之歌齊曰美哉泱泱

乎大風也哉表東海者其大公乎國未可量也爲之歌  
豳曰美哉蕩乎樂而不淫其周公之東乎爲之歌秦曰  
此之謂夏聲夫能夏則大大之至也其周之舊乎爲之  
歌魏曰美哉淵淵乎大而婉險而易行以德輔此則明  
主也爲之歌唐曰思深哉其有陶唐氏之遺民乎不然  
何憂之遠也非令德之後誰能若是爲之歌陳曰國無  
主其能久乎白卽以下無譏焉爲之歌小雅曰美哉思  
而不貳怨而不言其周德之衰乎猶有先王之遺民焉  
爲之歌大雅曰廣哉熙熙乎曲而有直體其文王之德  
乎爲之歌頌曰至矣哉直而不倨曲而不屈邇而不倨  
遠而不攜遷而不淫復而不厭哀而不愁樂而不荒用  
而不匱廣而不宣施而不費取而不貪處而不底行而

不流五聲和八風平節有度守有序盛德之所同也見舞象簡南籥者曰美哉猶有憾見舞大武者曰美哉周之盛也其若此乎見舞韶濩者曰聖人之弘也而猶有慙德聖人之難也見舞大夏者曰美哉勤而不德非禹其誰能脩之見舞韶箴者曰德至矣哉大矣如天之無不轉也如地之無不載也雖甚盛德其蔑以加於此矣觀止矣若有他樂吾不敢請已其出聘也通嗣君也故遂聘于齊說晏平仲謂之曰子速納邑與政無邑無政乃免於難齊國之政將有所歸未獲所歸難未歇也故晏子因陳桓子以納政與邑是以免於欒高之難聘於鄭見子產如舊相識與之編帶子產獻紵衣焉謂子產曰鄭之執政侈難將至矣政必及子子爲政慎之以禮

不然鄭國將敗適衛說蘧瑗史狗史鰌公子荆公叔發  
公子朝曰衛多君子未有患也自衛如晉將宿於戚聞  
鐘聲焉曰異哉吾聞之也辯而不德必加於戮夫子獲  
罪於君以在此懼猶不足而又何樂夫子之在此也猶  
燕之巢于幕上君又在殯而可以樂乎遂去之文子聞  
之終身不聽琴瑟適晉說趙文子韓宣子魏獻子曰晉  
國其萃於三族乎說叔向將行謂叔向曰吾子勉之君  
侈而多良大夫皆富政將在家吾子好直必思自免於  
難吳世家曰季札之初使北過徐君徐君好季札劍札  
難心知之爲使上國未獻還至徐徐君已死乃解其寶  
劍繫之徐君  
冢樹而去

秋九月葬衛獻公

齊高止出奔北燕

秋九月齊公孫蠆公孫竈放其大夫高止於北燕乙未出書曰出奔罪高止也高止好以事自爲功且專故難及之

冬仲孫羯如晉

冬孟孝伯如晉報范叔也

○爲高氏之難故高豎以盧叛十月庚寅閭丘嬰帥師圍盧高豎曰苟使高氏有後請致邑齊人立敬仲之曾孫酈良敬仲也十一月乙卯高豎致盧而出奔晉晉人城緜而賓旃○酈伯有使公孫黑如楚辭曰楚鄭方惡而使余往是殺余也伯有曰世行也子皙公孫黑曰可則往難則已何世之有伯有將強使之子皙怒將伐伯有氏大夫和之十二月己巳酈大夫盟於伯有氏神諶曰是

盟也其與幾何詩曰君子屢盟亂是用長今是長亂之道也禍未歇也必三年而後能紓然明曰政將焉往裨諝曰善之代不善天命也其焉辟子產舉不踰等則位班也擇善而舉則世隆也天又除之奪伯有魄子西卽世將焉辟之天禍鄭久矣其必使子產息之乃猶可以戾不然將亡矣

三十年

戊午○簡襄公惡元年○吳夷末元年

春王正月楚子使薳罷來聘

公羊作薳頗

三十年春王正月楚子使薳罷來聘通嗣君也穆叔問王子之爲政何如對曰吾儕小人食而聽事猶懼不給命而不免於戾焉與知政固問焉不告穆叔告大夫曰楚令尹將有大事子蕩薳罷將與焉助之匿其情矣

○子產相鄭伯以如晉叔向問鄭國之政焉對曰吾得見  
與否在此歲也黜良方爭未知所成若有所成吾得見  
乃可知也叔向曰不旣和矣乎對曰伯有氏侈而愎子  
皙氏驕好在人上莫能相下也雖其和也猶相積惡也惡  
至無日矣○二月癸未晉悼夫人食輿人之城杞者絳  
縣人或年長矣無子而往與於食有與疑年使之年曰  
臣小人也不知紀年臣生之歲正月甲子朔四百有四  
十五甲子矣其季於今三之一也更走問諸朝師曠曰  
魯叔仲惠伯會卻成子于承匡之歲也是歲也狄伐魯  
叔孫莊叔於是乎敗狄于鹹獲長狄僑如及虺也豹也  
而皆以名其子七十二年矣史趙曰亥有二首六身下  
二如身是其日數也士文伯曰然則二萬六千六百有

六旬也趙孟問其縣大夫則其屬也召之而謝過焉曰  
武不才任君之大事以晉國之多虞不能由吾子使吾  
子辱在泥塗久矣武之罪也敢謝不才遂仕之使助爲  
政辭以老與之田使爲君復陶以爲絳縣師而廢其輿  
尉於是魯使者在晉歸以語諸大夫季武子曰晉未可  
媮也有趙孟以爲大夫有伯瑕伯瑕文以爲佐有史趙師  
曠而咨度焉有叔向女齊以師保其君其朝多君子其  
庸可媮乎勉事之而後可○夏四月乙亥鄭伯及其大  
夫盟君子是以知鄭難之不已也

夏四月蔡世子般弑其君固

蔡景侯爲太子般娶于楚通焉太子弑景侯

五月甲午宋災宋

公穀並無宋字

伯姬卒

傳在王殺後夫之後○穀梁曰取卒之日加之



災上者見以災卒也伯姬之舍失火左右曰夫人少辟  
火乎伯姬曰婦人之義傳母不在宵不下堂左右又曰  
夫人少辟火乎伯姬曰婦人之義保母不在宵不下堂  
遂逮夫火而死婦人以貞爲行者也伯姬之婦道盡矣  
詳其事賢伯姬也

或曰于宋大廟曰謫謫出出鳥鳴于屋社如曰謫謫甲  
午宋大災宋伯姬卒待姆也君子謂宋其姬女而不婦  
女待人婦義事也

天王殺其弟佖夫

公羊作年夫

王子瑕奔晉

初王儋季卒其子括將見王而歎單公子愆期爲靈王  
御士過諸廷聞其歎而言曰烏乎必有此夫入以告王  
且曰必殺之不感而願大視躁而足高心在他矣不殺  
必害王曰童子何知及靈王崩儋括欲立王子佖夫佖  
夫弗知戊子儋括圍蕩遂成愆成愆奔平時五月癸巳

尹三多劉毅單蔑甘過鞏成殺侯夫括瑕廖奔晉書曰  
天王殺其弟侯夫罪在王也

六月鄒子產如陳洹盟歸復命告大夫曰陳亡國也不  
可與也聚米粟繕城郭恃此二者而不撫其民其君弱  
植公子偃大子皐大夫敖政多門以介於大國能無亡  
乎不過十年矣

秋七月叔弓如宋葬宋

穀梁無宋字

其姬

穀梁曰外夫人不書葬此其言葬何也吾

女也卒與故  
而葬之也

秋七月叔弓如宋葬其姬也

鄭良霄出奔許自許入于鄭鄭人殺良霄

穀梁曰不言大夫惡之也

鄭伯有者酒爲愼室而夜飲酒擊鐘焉朝至未已朝者  
曰公焉在其人曰吾公在察谷皆自朝布路而罷旣而

朝則又將使子皙如楚歸而飲酒庚子子皙以駟氏之甲伐而焚之伯有奔雍梁醒而後知之遂奔許大夫聚謀子皮曰仲虺之志云亂者取之亡者侮之推亡固存國之利也罕駟豐同生伯有汰侈故不免人謂子產就直助彊子產曰豈爲我徒國之禍難誰知所做或主彊直難乃不生姑成吾所辛丑子產斂伯有氏之死者而殯之不及謀而遂行印段從之子皮止之衆曰人不我順何止焉子皮曰夫子禮於死者況生者乎遂自止之壬寅子產入癸卯子石印入皆受盟于子皙氏乙巳鄭伯及其大夫盟于大宮盟國人于師之梁之外伯有聞鄭人之盟己也怒聞子皮之甲不與攻己也喜曰子皮與我矣癸丑晨自墓門之瀆入因馬師頡介于襄庫以

伐舊北門駟帶率國人以伐之皆召子產子產曰兄弟  
而及此吾從天所與伯有死於羊肆子產禭之枕之服  
而哭之斂而殯諸伯有之臣在市側者旣而葬諸斗城  
子駟氏欲攻子產子皮怒之曰禮國之幹也殺有禮禍  
莫大焉乃止於是游吉如晉還聞難不入復命于介八  
月甲子奔晉駟帶追之及酸棗與子上駟盟用兩珪質  
于河使公孫解入盟大夫己巳復歸書曰鄭人殺良霄  
不稱大夫言自外人也於子矯之卒也將葬公孫揮與  
裨竈晨會事焉過伯有氏其門上生莠子羽曰其莠猶  
在乎於是歲在降婁降婁中而旦裨竈指之曰猶可以  
終歲歲不及此次也己及其亡也歲在姬訾之口其明  
年乃及降婁僕展從伯有與之皆死羽頡出奔晉爲任

大夫雞澤之會鄭樂成奔楚遂適晉羽頡因之與之比而事趙文子言伐鄭之說焉以宋之盟故不可子皮以公孫鉏爲司馬

冬十月葬蔡景公

公羊曰賊未討何以書葬君子諱也

○楚公子圍殺大司馬蔣掩而取其室申無宇曰王子必不免善人國之主也王子相楚國將善是封殖而虐之是禍國也且司馬令尹之臣而王之四體也絕民之主去身之偏艾王之體以禍其國無不祥大焉何以得免晉人齊人宋人衛人鄭人曹人莒人邾人滕人薛人杞人小邾人會于澶淵宋災故穀梁曰會不言其所爲其曰宋災故何也不言災故則無以見其善也其曰人何也故災以衆何救焉更宋之所喪財也而善之會中則不侵伐夷狄夷狄不入中國無侵伐也晉人善之也晉趙

爲宋災故諸侯之大夫會以謀歸宋財冬十月叔孫豹會晉趙武齊公孫蠆宋向戌衛北宮佗鄭罕虎及小邾之大夫會于澶淵旣而無歸於宋故不書其人君子曰信其不可不慎乎澶淵之會卿不書不信也夫諸侯之上卿會而不信寵名皆棄不信之不可也如是詩曰文王陟降在帝左右信之謂也又曰淑慎爾止無載爾僞不信之謂也書曰某人某人會于澶淵宋災故尤之也不書魯大夫諱之也

鄭子皮授子產政辭曰國小而偏族大寵多不可爲也子皮曰虎帥以聽誰敢犯子子善相之國無小小能事大國乃寬子產爲政有事伯石賂與之邑子大叔曰國皆其國也奚獨賂焉子產曰無欲實難皆得其欲以從

其事而要其成非我有成其在人乎何愛於邑邑將焉  
往子大叔曰若四國何子產曰非相違也而相從也四  
國何尤焉鄭書有之曰安定國家必大焉先姑先安大  
以待其所歸既伯石懼而歸邑卒與之伯有既死使大  
史命伯石爲卿辭大史退則請命焉復命之又辭如是  
三乃受策入拜子產是以惡其爲人也使次己位子產  
使都鄙有章上下有服田有封洫廬井有伍大人之忠  
儉者從而與之泰侈者因而斂之豐卷將祭請田焉弗  
許曰唯君用鮮衆給而已子張<sub>也</sub>怒退而徵役子產奔  
晉子皮止之而逐豐卷豐卷奔晉子產請其田里三年  
而復之反其田里及其入焉從政一年與人誦之曰取  
我衣冠而緒之取我田疇而伍之孰殺子產吾其與之

及三年又誦之曰我有子弟子產誨之我有田疇子產殖之子產而死誰其嗣之

三十有一年

己未公般九年

蔡靈

春王正月

三十一年春王正月穆叔至自會見孟孝伯語之曰趙孟將死矣其言儉不似民主且年未盈五十而諄諄焉如八九十者弗能久矣若趙孟死爲政者其韓子乎吾子盍與季孫言之可以樹善君子也晉君將失政矣若不樹爲使早備魯旣而政在大夫韓子懦弱大夫多貪求欲無厭齊楚未足與也魯其懼哉孝伯曰人生幾何誰能無儉朝不及夕將安用樹穆叔出而告人曰孟孫將死矣吾語諸趙孟之儉也而又甚焉又與季孫語晉故季孫不從及趙文子卒晉公室卑政在侈家韓宣子



爲政不能圖諸侯魯不堪晉求讒慝弘多是以有平丘之會○齊子尾害聞丘嬰欲殺之使帥師以伐陽州我問師故夏五月子尾殺聞丘嬰以說于我師工偃灑消寵孔虺賈寅出奔莒出羣公子

夏六月辛巳公薨于楚宮

穀梁曰楚宮非正也

公作楚宮穆叔曰大誓云民之所欲天必從之君欲楚也夫故作其宮若不復適楚必死是宮也六月辛巳公薨于楚宮叔仲帶竊其拱璧以與御人納諸其懷而從取之由是得罪

秋九月癸巳子野卒

穀梁曰子辛日正也

立胡女敬歸之子子野次于季氏秋九月癸巳卒毀也

己亥仲孫羯卒

己亥孟孝伯卒

○立敬歸之嫡齊歸之子公子裯穆叔不欲曰大子死有母弟則立之無則立長年鈞擇賢義鈞則卜古之道也非適嗣何必嫡之子且是人也居喪而不哀在感而有庸容是謂不度不度之人鮮不爲患若果立之必爲季氏憂武子不聽卒立之比及葬三易衰衰衽如故衰於是昭公十九年矣猶有童心君子是以知其不能終也冬十月滕子來會葬癸酉葬我君襄公

冬十月滕成公來會葬情而多涕子服惠伯曰滕君將死矣怠於其位而哀已甚兆於死所矣能無從乎癸酉葬襄公

○公薨之月子產相鄭伯以如晉晉侯以我喪故未之見

也子產使盡壞其館之垣而納車馬焉士文伯讓之曰  
敝邑以政刑之不脩寇盜充斥無若諸侯之屬辱在寡  
君者何是以令吏人完客所館高其閤厚其牆垣以  
無憂客使今吾子壞之雖從者能戒其若異客何以敝  
邑之爲盟主繕完葺牆以待賓客若皆毀之其何以其  
命寡君使句請命對曰以敝邑偏小介於大國誅求無  
時是以不敢寧居悉索敝賦以來會時事逢執事之不  
閒而未得見又不獲聞命未知見時不敢輪幣亦不敢  
暴露其輪之則君之府實也非薦陳之不敢輸也其暴  
露之則恐燥溼之不時而朽蠹以重敝邑之罪僞聞文  
公之爲盟主也宮室卑庫無觀臺榭以崇大諸侯之館  
館如公寢庫廐繕脩司空以時平易道路圻人以時塏

館宮室諸侯賓至旬設庭燎僕人巡宮車馬有所賓從  
有代巾車脂轄隸人牧圉各瞻其事百官之屬各展其  
物公不留賓而亦無廢事憂樂同之事則巡之教其不  
知而恤其不足賓至如歸無寧菑患不畏寇盜而亦不  
患燥溼今銅鞮之宮數里而諸侯舍於隸人門不容車  
而不可踰越盜賊公行而天竊不戒賓見無時命不可  
知若又勿壞是無所藏幣以重罪也敢請執事將何所  
命之雖君之有魯喪亦倣邑之憂也若獲薦幣脩垣而  
行君之惠也敢憚勤勞文伯復命趙文子曰信我實不  
德而以隸人之垣以羸諸侯是吾罪也使士文伯謝不  
敏焉晉侯見鄭伯有加禮厚其宴好而歸之乃築諸侯  
之館叔向曰辭之不可以已也如是夫子產有辭諸侯

賴之若之何其釋辭也詩曰辭之輯矣民之協矣辭之  
繹矣民之莫矣其知之矣鄭子皮使印段如楚以適晉  
告禮也

十有一月莒人弑其君密州

莒犁比公生去疾及展輿既立展輿又廢之犁比公虐  
國人患之十一月展輿因國人以攻莒子弑之乃立去  
疾奔齊齊出也展輿吳出也書曰莒人弑其君買朱鉏  
言罪之在也

○吳子使屈狐庸聘于晉通路也趙文子問焉曰延州來  
季子其果立乎巢隕諸樊閹賊戴吳天似啓之何如對  
曰不立是二王之命也非啓季子也若天所啓其在今  
嗣君乎甚德而度德不失民度不失事民親而事有序

其天所啓也。有吳國者必此君之子孫。實終之季子。守節者也。雖有國不立。○十二月。北宮文子相衛。襄公以如楚。宋之盟故也。過鄒。印裘廷勞于棐林。如聘禮。而以勞辭。文子入。子羽爲行人。馮簡子與子大叔逆客。事畢而出。言於簡侯曰。鄭有禮其數世之福也。其無大國之討乎。詩云。誰能執熱。逝不以濯。禮之於政如熱之有濯也。濯以救熱。何患之。有子產之從政也。擇能而使之。馮簡子能斷大事。子大叔美秀而文。公孫揮能知四國之爲而辨於其大夫之族。姓班位貴賤能否。而又善爲辭令。裨諶能謀於野。則獲謀於邑。則否。鄭國將有諸侯之事。子產乃問四國之爲於子羽。且使多爲辭令。與裨諶乘以適野。使謀可否。而告馮簡子。使斷之。事成。乃

授子大叔使之以應對賓客是以鮮有敗事北宮文  
子所謂有禮也○鄭人游于鄉校以論執政然明謂子  
產曰毀鄉校何如子產曰何爲夫人朝夕退而游焉以  
議執政之善否其所善者吾則行之其所惡者吾則改  
之是吾師也若之何毀之我聞忠善以損怨不聞作威  
以防怨豈不遽止然僨防川大決所犯傷人必多吾不  
克救也不如小決使道不如吾聞而藥之也然明曰蔑  
也今而後知吾子之信可事也小人實不才若果行此  
其鄭國實賴之豈唯二三臣仲尼聞是語也曰以是觀  
之人謂子產不仁吾不信也○子皮欲使尹何爲邑子  
產曰少未可知子皮曰愿吾愛之不吾叛也使夫往  
而學焉夫亦愈知治矣子產曰不可人之愛人求利之

也今吾子愛人則以政猶未能操刀而使割也其傷實多子之愛人傷之而已其誰敢求愛於子子於鄭國棟也棟折榱崩僑將厭焉敢不盡言子有美錦不使人學製焉大官大邑身之所庇也而使學者製焉其爲美錦不亦多乎僑聞學而後入政未聞以政學者也若果行此必有所害譬如田獵射御貫則能獲禽若未嘗登車射御則敗績厭覆是懼何暇思獲子皮曰善哉虎不敏吾聞君子務知大者遠者小人務知小者近者我小人也衣服附在吾身我知而慎之大官大邑所以庇身也我遠而慢之微子之言吾不知也他日我曰子爲鄭國我爲吾家以庇焉其可也今而後知不足自今請雖吾家聽子而行子產曰人心之不同如其面焉吾豈敢謂



子面如吾面乎抑心所謂危亦以告也子皮以爲忠故委政焉子產是以能爲鄭國○衛侯在楚北宮文子見令尹圉之威儀言於衛侯曰令尹似君矣將有他志雖獲其志不能終也詩云靡不有初鮮克有終終之實難令尹其將不免公曰子何以知之對曰詩云敬慎威儀惟民之則令尹無威儀民無則焉民所不則以在民上不可以終公曰善哉何謂威儀對曰有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之故能守其官職保族宜家順是以下皆如是是以上下能相固也衛詩曰威儀棣棣不可選也言君臣上下父子兄弟內外大小皆有威儀也周詩曰朋

友攸攝攝以威儀言朋友之道必相教訓以威儀也周書數文王之德曰大國畏其力小國懷其德言畏而愛之也詩云不識不知順帝之則言則而象之也紂囚文王七年諸侯皆從之囚紂於是乎懼而歸之可謂愛之文王伐崇再駕而降爲臣蠻夷帥服可謂畏之文王之功天下誦而歌舞之可謂則之文王之行至今爲法可謂象之有威儀也故君子在位可畏施舍可愛進退可度周旋可則容止可觀作事可法德行可象聲氣可樂動作有文言語有章以臨其下謂之有威儀也

春秋經傳比事卷十四終

春秋經傳比事卷十五

閩 林春溥 鑑塘

昭公 一〇名獨襄公子母齊歸諡法威儀恭明曰昭

元年 庚申 春王正月公即位 穀梁曰繼正即位正也

叔孫豹會晉趙武楚公子圍齊國弱 公羊作國下同 宋向戌衛

齊惡 公羊作石惡 陳公子招蔡公孫歸生鄭罕虎 公羊作軒虎下同 許

人曹人于虢 公羊作郭穀梁作郭

元年春楚公子圍聘于鄭且娶於公孫段氏伍舉爲介將入館鄭人惡之使行人子羽與之言乃館於外既聘將以衆逆子產患之使子羽辭曰以敝邑褊小不足以容從者請墀聽命令尹命大宰伯州犂對曰君辱貺寡大夫圍謂圍將使豐氏撫有而室圍布几筵告於莊其

之廟而來若野賜之是委君貶於草莽也是寡大夫不得列於諸卿也不寧唯是又使圍蒙其先君將不得爲寡君老其蔑以復矣唯大夫圖之子羽曰小國無罪恃實其罪將恃大國之安靖己而無乃包藏禍心以圖之小國失恃而懲諸侯使莫不憾者距違君命而有所壅塞不行是懼不然敝邑館人之屬也其敢愛豐氏之祧伍舉知其有備也請垂囊而入許之正月乙未入逆而出遂會於虢尋宋之盟也祁午謂趙文子曰宋之盟楚人得志於晉今令尹之不信諸侯之所聞也子弗戒懼又如宋子木之信稱於諸侯猶詐晉而駕焉況不信之尤者乎楚重得志於晉晉之恥也子相晉國以爲盟主於今七年矣再合諸侯三合大夫服齊狄寧東夏平秦

亂城淳于師徒不頓國家不罷民無謗譴諸侯無怨天  
無大戡子之力也有令名矣而終之以恥午也是懼吾  
子其不可以不戒文子曰武受賜矣然宋之盟子木有  
禍人之心武有仁人之心是楚所以駕於晉也今武猶  
是心也楚又行僭非所害也武將信以爲本循而行之  
譬如農夫是穠是莠雖有饑饉必有豐年且吾聞之能  
信不爲人下吾未能也詩曰不僭不賊鮮不爲則信也  
能爲人則者不爲人下矣吾不能是難楚不爲患楚令  
尹圖請用牲讀舊書加于牲上而已晉人許之三月甲  
辰盟楚公子圍設服離衛叔孫穆子曰楚公子美矣君  
哉鄒子皮曰二執戈者前矣蔡子家曰蒲宮有前不亦  
可乎

國語曰穆子曰不然天子有虎賁習武訓也諸侯有旅賁樂戡害也大夫有貳車備承事也士有陪

乘其奔走也今大夫而楚伯州犁曰此行也辭而假之設諸侯之服有其心矣

寡君鄭行人揮曰假不反矣伯州犁曰子姑憂子哲之欲背誕也子羽曰當璧猶在假而不反子其無憂乎齊國子曰吾代二子懸矣陳公子招曰不憂何成二子樂矣衛齊子曰苟或知之雖憂何害宋合左師曰大國令小國其吾知其而已晉樂王鮒曰小旻之卒章善矣吾從之退會子羽謂子皮曰叔孫絞而婉宋左師簡而禮樂王鮒字而敬子與子家持之皆保世之主也齊衛陳大夫其不免乎國子代人憂子招樂憂齊子雖憂弗害夫弗及而憂與可憂而樂與憂而弗害皆取憂之道也憂必及之大誓曰民之所欲天必從之三大夫兆憂憂能無至乎言以知物其是之謂矣

三月取鄆

季武子伐莒取鄆莒人告於會楚告於晉曰尋盟未退而魯伐莒瀆齊盟請戮其使樂桓子相趙文子欲求貨於叔孫而爲之請使請帶焉弗與梁其涇曰貨以藩身子何愛焉叔孫曰諸侯之會衛社稷也我以貨免魯必受師是禍之也何衛之爲人之有牆以蔽惡也牆之隙壞誰之咎也衛而惡之吾又甚焉雖怨季孫魯國何罪叔出季處有自來矣吾又誰怨然鮒也賄弗與不已召使者裂裳帛而與之曰帶其褊矣趙孟聞之曰臨患不忘國患也思難不越官信也圖國忘死貞也謀主三者義也有是四者又可戮乎乃請諸楚曰魯雖有罪其執事不辟難畏威而敬命矣子若免之以勸左右可也若

子之羣吏處不辟汚出不逃難其何患之有患之所生  
汚而不治難而不守所由來也能是二者又何患焉不  
靖其能其誰從之魯叔孫豹可謂能矣請免之以靖能  
者子會而赦有罪又賞其賢諸侯其誰不欣焉望楚而  
歸之視遠如邇疆場之邑一彼一此何常之有王伯之  
令也引其封疆而樹之官舉之表旗而著之制令過則  
有刑猶不可壹於是乎虞有三苗夏有觀扈商有桀邠  
周有徐奄自無令王諸侯逐進狎主齊盟其又可壹乎  
恤大舍小足以爲盟主又焉用之封疆之削何國蔑有  
主齊盟者誰能辯焉吳濮有釁楚之執事豈其顧盟莒  
之疆事楚勿與知諸侯無煩不亦可乎莒魯爭鄆爲日  
久矣苟無大害於其社稷可無亢也去煩宥善莫不競



勸子其圖之固請諸楚楚人許之乃免叔孫

○台尹享趙孟賦大明之首章趙孟賦小宛之二章事畢  
趙孟謂叔向曰令尹自以爲王矣何如對曰王弱令尹  
強其可哉雖可不終趙孟曰何故對曰彊以克弱而安  
之彊不義也不義而彊其斃必速詩曰赫赫宗周褒姒  
滅之彊不義也令尹爲王必求諸侯晉少孺矣諸侯將  
往若獲諸侯其虐滋甚民弗堪也將何以終夫以彊取  
不義而克必以爲道道以淫虐弗可久已矣○夏四月  
趙孟叔孫豹曹大夫入于鄭鄭伯兼享之子皮戒趙孟  
禮終趙孟賦鄘葉子皮遂戒穆叔且告之穆叔曰趙孟  
欲一獻子其從之子皮曰敢乎穆叔曰夫人之所欲也  
又何不敢及享具五獻之籩豆於幕下趙孟辭私於子

產曰武請於冢宰矣乃用一獻趙孟爲客禮終乃宴穆叔賦鵲巢趙孟曰武不堪也又賦采芣曰小國爲芣大國省穡而用之其何實非命子皮賦野有死麕之卒章趙孟賦棠棣且曰吾兄弟比以安老也可使無吠穆叔子皮及曹大夫興拜舉兕爵曰小國賴子知免於戾矣飲酒樂趙孟出曰吾不復此矣○天王使劉定公勞趙孟於潁館於雒汭劉子曰美哉禹功明德遠矣微禹吾其魚乎吾與子弁冕端委以治民臨諸侯禹之力也子盍亦遠績禹功而大庇民乎對曰老夫罪戾是懼焉能恤遠吾儕偷食朝不謀夕何其長也劉子歸以語王曰諺所謂老將知而耄及之者其趙孟之謂乎爲晉正卿以主諸侯而儕於隸人朝不謀夕棄神人矣神怒民叛

何以能久趙孟不復年矣神怒不歆其祀民叛不卽其  
事祀事不從又何以年○叔孫歸曾天御季孫以勞之  
旦及日中不出曾天謂曾阜曰旦及日中吾知罪矣魯  
以相忍爲國也忍其外不忍其內焉用之阜曰數月於  
外一旦於是庸何傷賈而欲贏而惡蹠乎阜謂叔孫曰  
可以出矣叔孫指楹曰雖惡是其可去乎乃出見之○  
鄭徐吾犯之妹美公孫楚聘之矣公孫黑又使強委禽  
焉犯懼告子產子產曰是國無政非子之患也唯所欲  
與犯請於二子請使女擇焉皆許之子皙卽黑盛飾入布  
幣而出子南楚卽戎服入左右射超乘而出女自房觀之  
曰子皙信美矣抑子南夫也夫夫婦婦所謂順也適子  
南氏子皙怒旣而橐甲以見子南欲殺之而取其妻子

南知之執戈逐之及衝擊之以戈子皙傷而歸告大夫  
曰我好見之不知其有異志也故傷大夫皆謀之子產  
曰直釣幼賤有罪罪在楚也乃執子南而數之曰國之  
大節有五女皆奸之畏君之威聽其政尊其貴事其長  
養其親五者所以爲國也今君在國女用兵焉不畏威  
也奸國之紀不聽政也子皙上大夫女嬖大夫而弗下  
之不尊貴也幼而不忌不事長也兵其從兄不養親也  
君曰余不女忍殺宥女以遠勉速行乎無重而罪五月  
庚辰鄭放游楚於吳將行子南子產咨於大叔大叔曰  
吉不能亢身焉能亢宗彼國政也非私難也子圖鄭國  
利則行之又何疑焉周公殺管叔而蔡蔡叔夫豈不愛  
王室故也吉若獲戾子將行之何有於諸游

夏秦伯之弟鍼出奔晉

公羊曰有千乘之國而不能容其母弟故君子謂之出奔也穀梁曰

親而命之惡也

秦后子有寵於桓如二君於景其母曰弗去懼選癸卯  
鍼適晉其車千乘書曰秦伯之弟鍼出奔晉罪秦伯也  
后子享晉侯造舟于河十里舍車自雍及絳歸取酬幣  
終事人反司馬侯問焉曰子之車盡於此而已乎對曰  
此之謂多矣若能少此吾何以得見女叔齊司馬侯以告  
公且曰秦公子必歸臣聞君子能知其過必有令圖令  
圖天所贊也后子見趙孟趙孟曰吾子其曷歸對曰鍼  
懼選於寡君是以此將待嗣君趙孟曰秦君何如對  
曰無道趙孟曰亡乎對曰何爲一世無道國未艾也國  
於天地有與立焉不數世淫弗能斃也趙孟曰天乎對

曰有焉趙孟曰其幾何對曰鍼聞之國無道而年穀和熟天贊之也鮮不五稔趙孟視蔭曰朝夕不相及誰能待五后子出而告人曰趙孟將死矣主民翫歲而惕曰其與幾何

○鄭爲游楚亂故六月丁巳鄭伯及其大夫盟于公孫段氏罕虎公孫僑公孫段印段游吉駟帶私盟于闔門之外實薰隧公孫黑強與於盟使大史書其名且曰七子子產弗討

六月丁巳邾子華卒

晉荀吳帥師敗狄于大鹵

公穀並作大原○穀梁曰傳曰中國曰大原夷狄曰大鹵號從

中國名從主人

晉中行穆子敗無終及羣狄于大原崇卒也將戰魏舒

曰彼徒我車所遇又阨以什其車必克困諸阨又克請  
皆卒自我始乃毀車以爲行五乘爲三伍荀吳之嬖人  
不肯卽卒斬以徇爲五陳以相離兩於前伍於後專爲  
右角參爲左角偏爲前拒以誘之翟人笑之未陳而薄  
之大敗之

秋莒去疾自齊入于莒莒展興出奔吳

公穀並  
無興字

莒展興立而奪羣公子秩公子召去疾于齊秋齊公子  
鉏納去疾展興奔吳

叔弓帥師疆鄆田

叔弓帥師疆鄆田因莒亂也於是莒務與齊胡及公子  
滅明以大虋與常儀靡奔齊君子曰莒展之不立棄人  
也夫人可棄乎詩曰無競維人善矣

葬祁悼公

○晉侯有疾鄭伯使公孫僑如晉聘且問疾叔向問焉曰  
寡君之疾病卜人曰實沈臺駘爲祟史莫之知敢問此  
何神也子產曰昔高辛氏有二子伯曰閼伯季曰實沈  
居于曠林不相能也日尋干戈以相征討后帝不臧遷  
閼伯于商丘主辰商人是因故辰爲商星遷實沈于大  
夏主參唐人是因以服事夏商其季世曰唐叔虞當武  
王邑姜方震大叔夢帝謂己余命而子曰虞將與之唐  
屬諸參而蕃育其子孫及生有文在其手曰虞遂以命  
之及成王滅唐而封大叔焉故參爲晉星由是觀之則  
實沈參神也昔金天氏有裔子曰昧爲玄冥師生允格  
臺駘臺駘能業其官宣汾洮障大澤以處大原帝用嘉



之則諸汾川沈如蓐黃實守其祀今晉主汾而滅之矣  
由是觀之則臺駘汾神也抑此二者不及君身山川之  
神則水旱癘疫之災於是乎崇之日月星辰之神則雪  
霜風雨之不時於是乎崇之若君身則亦出入飲食哀  
樂之事也山川星辰之神又何爲焉僑聞之君子有四  
時朝以聽政晝以訪問夕以脩令夜以安身於是乎節  
宣其氣勿使有所壅閉湫底以露其體茲心不爽而昏  
亂百度今無乃壹之則生疾矣僑又聞之內官不及同  
姓其生不殖美先盡矣則相生疾君子是以惡之故志  
曰買妾不知其姓則卜之違此二者古之所慎也男女  
辨姓禮之大司也今君內實有四姬焉其無乃是也乎  
若由是二者弗可爲也已四姬有省猶可無則必生疾

矣叔向曰善哉肸未之聞也此皆然矣叔向出行人揮送之叔向問鄭故焉且問子皙對曰其與幾何無禮而好陵人怙富而卑其上弗能久矣晉侯聞子產之言曰博物君子也重賄之晉侯求醫於秦秦伯使醫和視之曰疾不可爲也是謂近女室疾如蠱非鬼非食惑以喪志良臣將死天命不祐公曰女不可近乎對曰節之先王之樂所以節百事也故有五節遲速本末以相及中聲以降五降之後不容彈矣於是有煩手淫聲悖心耳乃忘平和君子弗聽也物亦如之至於煩乃舍也已無以生疾君子之近琴瑟以儀節也非以悖心也天有六氣降生五味發爲五色徵爲五聲淫生六疾六氣曰陰陽風雨晦明也分爲四時序爲五節過則爲菑陰淫

寒疾陽淫熱疾風淫末疾雨淫腹疾晦淫惑疾明淫心  
疾女陽物而晦時淫則生內熱惑蠱之疾今君不節不  
時能無及此乎出告趙孟趙孟曰誰當良臣對曰主是  
謂矣主相晉國於今八年晉國無亂諸侯無闕可謂良  
矣和聞之國之大臣榮其寵祿任其大節有菑禍興而  
無改焉必受其咎今君至於淫以生疾將不能圖恤社  
稷禍孰大焉主不能禦吾是以云也趙孟曰何謂蠱對  
曰淫溺惑亂之所生也於文皿蟲爲蠱穀之飛亦爲蠱  
在周易女惑男風落山謂之蠱三三皆同物也趙孟曰  
良醫也厚其禮而歸之

冬十有一月己酉楚子麇卒

麇公殺並作卷

楚公子比出奔晉

楚公子圍使公子黑肱伯州犂城雙櫟邾鄭人懼子產

曰不害令尹將行大事而先除二子也禍不及鄭何患焉冬楚公子圍將聘于鄭伍舉爲介未出竟聞王有疾而還伍舉遂聘十一月己酉公子圍至入問王疾縊而弑之遂殺其二子幕及平夏右尹子干出奔晉宮廐尹子皙<sub>黑</sub>出奔鄭殺大宰伯州犂于郟葬王于郟謂之郟敖使赴于鄭伍舉問應爲後之辭焉對曰寡大夫圍伍舉更之曰共王之子圍爲長子干奔晉從車五乘叔向使與秦公子同食皆百人之餼趙文子曰秦公子富叔向曰底祿以德德釣以年年同以尊公子以國不聞以富且夫以千乘去其國彊禦已甚詩曰不侮鰥寡不畏彊禦秦楚匹也使后子與子干齒辭曰鍼懼選楚公子不獲是以皆來亦唯命且臣與驕齒無乃不可乎史佚

有言曰非羈何忌楚靈王卽位薳罷爲令尹薳啓彊爲  
大宰鄭游吉如楚葬邲敖且聘立君歸謂子產曰具行  
器矣楚王汰侈而自說其事必合諸侯吾往無日矣子  
產曰不數年未能也

○十二月晉旣烝趙孟適南陽將會孟子餘甲辰朔烝于  
溫庚戌卒鄭伯如晉弔及雍乃復

一年辛酉楚靈王薨春晉侯使韓起來聘

二年春晉侯使韓宣子來聘且告爲政而來見禮也觀  
書於大史氏見易象與魯春秋曰周禮盡在魯矣吾乃  
今知周公之德與周之所以王也公享之季武子賦緜  
之卒章韓子賦角弓季武子拜曰敢拜子之彌縫敝邑  
寡君有望矣武子賦節之卒章旣享宴于季氏有嘉樹

焉宣子譽之武子曰宿敢不封殖此樹以無忘角弓遂  
賦甘棠宣子曰起不堪也無以及召公宣子遂如齊納  
幣見子雅子雅召子旗使見宣子宣子曰非保家之主  
也不臣見子尾子尾見彊宣子謂之如子旗大夫多笑  
之唯晏子信之曰夫子君子也君子有信其有以知之  
矣自齊聘於衛衛侯享之北宮文子賦淇澳宣子賦木  
瓜

○夏四月韓須如齊逆女齊陳無宇送女致少姜少姜有  
寵於晉侯晉侯謂之少齊謂陳無宇非卿執諸中都少  
姜爲之請曰送從逆班畏大國也猶有所易是以亂作  
夏叔弓如晉

叔弓聘于晉報宣子也晉侯使郊勞辭曰寡君使弓來

繼舊好固曰女無敢爲賓徹命於執事敝邑弘矣敢辱  
郊使請辭致館辭曰寡君命下臣來繼舊好好台使成  
臣之祿也敢辱大館叔向曰子叔子知禮哉吾聞之曰  
忠信禮之器也卑讓禮之宗也辭不忘國忠信也先國  
後已卑讓也詩曰敬慎威儀以近有德夫子近德矣

### 秋鄭殺其大夫公孫黑

秋鄭公孫黑將作亂欲去游氏而代其位傷疾作而不  
果驪氏與諸大夫欲殺之子產在鄙聞之懼弗及乘遽  
而至使吏數之曰伯有之亂以大國之事而未爾討也  
爾有亂心無厭國不女堪專伐伯有而罪一也昆弟爭  
室而罪二也薰隧之盟女矯君位而罪三也有死罪三  
何以堪之不速死大刑將至再拜稽首辭曰死在朝夕

春秋左傳卷五  
無助天爲虐子產曰人誰不死凶人不終命也作凶事  
爲凶人不助天其助凶人乎請以印爲褚師子產曰印  
也若才君將任之不才將朝夕從女女罪之不恤而又  
何請焉不速死司寇將至七月壬寅縊尸諸周氏之衢  
加木焉

冬公如晉至河乃復季孫宿如晉

殺梁曰公如晉而不得  
人季孫宿如晉而得入

惡季孫  
宿也

晉少姜卒公如晉及河晉侯使士文伯來辭曰非伉儷  
也請君無辱公還季孫宿遂致服焉

○叔向言陳無宇於晉侯曰彼何罪君使公族逆之齊使  
上大夫送之猶曰不其君求以貪國則不其而執其使  
君刑已頗何以爲盟主且少姜有辭冬十月陳無宇歸



○十一月鄭即段如晉弔

三年

戊上

○三年春王正月鄭游吉如晉送少姜之葬梁丙與張趯見之梁丙曰甚矣哉子之爲此來也子大叔曰將得已乎肯文襄之霸也其務不煩諸侯令諸侯三歲而聘五歲而朝有事而會不協而盟君薨大夫弔卿共葬事夫人士弔大夫送葬足以昭禮命事謀闕而已無加命矣今嬖寵之喪不敢擇位而數於守適唯懼獲戾豈敢憚煩少姜有寵而死齊必繼室今茲吾又將來賀不唯此行也張趯曰善哉吾得聞此數也然自今子其無事矣譬如火焉火中寒暑乃退此其極也能無退乎晉將失諸侯諸侯求煩不獲二大夫退子大叔告人曰張趯有

知其倘在君子之後乎

春王正月丁未滕子原卒

原公卒作泉

丁未滕子原卒同盟故書名

○齊侯使晏嬰請繼室於晉曰寡君使嬰曰寡人願事君朝夕不倦將奉質幣以無失時則國家多難是以不獲不腆先君之適以備內官焜耀寡人之望則又無祿早世隕命寡人失望君若不忘先君之好惠顧齊國辱收寡人微福於大公丁公照臨敝邑鎮撫其社稷則猶有先君之適及遺姑姊妹若而人君若不棄敝邑而辱使董振擇之以備嬪嬙寡人之望也韓宣子使叔向對曰寡君之願也寡君不能獨任其社稷之事未有伉儷在絳絰之中是以未敢請君有辱命惠莫大焉若惠顧敝

邑撫有晉國賜之內主豈唯寡君舉羣臣實受其貺其  
自唐叔以下實寵嘉之旣成昏晏子受禮叔向從之宴  
相與語叔向曰齊其何如晏子曰此季世也吾弗知齊  
其爲陳氏矣公棄其民而歸於陳氏齊舊四量豆區釜  
鍾四升爲豆各自其四以登於釜釜十則鍾陳氏三量  
皆登一焉鍾乃大矣以家量貸而以公量收之山木如  
市弗加於山魚鹽蜃蛤弗加於海民參其力二入於公  
而衣食其一公聚朽蠹而三老凍餒國之諸市履賤踊  
貴民人痛疾而或煥休之其愛之如父母而歸之如流  
水欲無獲民將焉辟之箕伯直柄虞遂伯戲其相胡公  
大姬已在齊矣叔向曰然雖吾公室今亦季世也戎馬  
不駕卿無軍行公乘無人卒列無長庶民罷敝而宮室

滋侈道殣相望而女富溢尤民間公命如逃寇讎欒卻  
胥原狐續慶伯降在阜隸政在家門民無所依君曰不  
悛以樂怙憂公室之卑其何日之有讒鼎之銘曰昧旦  
丕顯後世猶怠況日不悛其能久乎晏子曰子將若何  
叔向曰晉之公族盡矣肸聞之公室將卑其宗族枝葉  
先落則公從之肸之宗十一族唯羊舌氏在而已肸又  
無子公室無度幸而得死豈其獲祀初景公欲更晏子  
之宅曰子之宅近市湫隘蹢躅不可以居請更諸爽塏  
者辭曰君之先臣容焉臣不足以嗣之於臣侈矣且小  
人近市朝夕得所求小人之利也敢煩里旅公笑曰子  
近市識貴賤乎對曰旣利之敢不識乎公曰何貴何賤  
於是景公繁於刑有鬻踊者故對曰踊貴履賤旣已告

於君故與叔向語而稱之景公爲是省於刑君子曰仁  
人之言其利博哉晏子一言而齊侯省刑詩曰君子如  
祖亂庶遄已其是之謂乎及晏子如晉公更其它反則  
成矣旣拜乃毀之而爲里室皆如其舊則使宅人反之  
且諺曰非宅是卜唯鄰是卜二三子先卜鄰矣違卜不  
祥君子不犯非禮小人不犯不祥古之制也吾敢違諸  
乎卒復其舊宅公弗許因陳桓子以請乃許之○夏四  
月鄭伯如晉公孫段相甚敬而卑禮無違者晉侯嘉焉  
授之以策曰子豐父段之有勞於晉國余聞而弗忘賜女  
州田以胙乃舊勳伯石再拜稽首受策以出君子曰禮  
其人之急也乎伯石之汰也一爲禮於晉猶荷其祿況  
以禮終始乎詩曰人而無禮胡不遄死其是之謂乎

州縣樂豹之邑也及樂氏亡范宣子趙文子韓宣子皆欲之文子曰溫吾縣也二宣子曰自郤稱以別三傳矣晉之別縣不唯州誰獲治之文子病之乃舍之二子曰吾不可以正議而自與也皆舍之及文子爲政趙獲曰可以取州矣文子曰退二子之言義也違義禍也余不能治余縣又焉用州其以徼禍也君子曰弗知實難知而弗從禍莫大焉有言州必死豐氏故主韓氏伯石之獲州也韓宣子爲之請之爲其復取之之故

夏叔弓如滕五月葬滕成公

五月叔弓如滕葬滕成公子服椒爲介及郊遇懿伯叔之忌敬子叔不入惠伯曰公事有公利無私忌椒請先人乃先受館敬子從之

○晉韓起如齊逆女公孫薑爲少姜之有寵也以其子更公女而嫁公子人謂宣子子尾欺晉晉胡受之宣子曰我欲得齊而遠其寵寵將來乎○秋七月鄭罕虎如晉賀夫人且告曰楚人曰微敝邑以不朝立王之故敝邑之往則畏執事其謂寡君而固有外心其不往則宋之盟云進退罪也寡君使虎布之宣子使叔向對曰君若辱有寡君在楚何害脩宋盟也君苟思盟寡君乃知免於戾矣君若不有寡君雖朝夕辱於敝邑寡君猜焉君實有心何辱命焉君其往也苟有寡君在楚猶在晉也張趯使謂大叔曰自子之歸也小人冀除先人之敝廬曰子其將來今子皮實來小人失望大叔曰吉賤不獲來畏大國尊夫人也且孟曰而將無事吉庶幾焉

春秋左傳卷五  
秋小邾子來朝

小邾穆公來朝季武子欲卑之穆叔曰不可曹勝二邾實不忘我好敬以逆之猶懼其貳又卑一睦焉逆羣好也其如舊而加敬焉志曰能敬無災又曰敬逆來者天所福也季孫從之

八月大雩

八月大雩旱也

○齊侯田於菑盧蒲嬖見泣且請曰余髮如此種種余奚能爲公曰諾吾告二子歸而告之子尾欲復之子雅不可曰彼其髮短而心甚長其或寢處我矣九月子雅放盧蒲嬖於北燕

冬大雨雹



燕伯款出奔齊

燕簡公多嬖寵欲去諸大夫而立其寵人冬燕大夫比以殺公之外嬖公懼奔齊書曰北燕伯款出奔齊罪之也

○十月鄭伯如楚子產相楚子享之賦吉日既享于產乃具田備王以田江南之夢○齊公孫竈卒司馬竈見晏子曰又喪子雅矣晏子曰惜也子旗不免殆哉姜族弱矣而嬖將始昌二惠競爽猶可又弱一个焉姜其危哉

四年

癸亥

○四年春王正月許男如楚楚子止之遂止鄭伯復田江南許男與焉使椒舉如晉求諸侯二君待之椒舉致命曰寡君使舉曰日君有惠賜盟于宋曰晉楚之從交相

見也以歲之不易寡人願結驪於二三君使舉請間君  
若苟無四方之虞則願假寵以請於諸侯晉侯欲勿許  
司馬侯曰不可楚王方侈天或者欲逞其心以厚其毒  
而降之罰未可知也其使能終亦未可知也晉楚唯天  
所相不可與爭君其許之而脩德以待其歸若歸於德  
吾猶將事之況諸侯乎若適淫虐楚將棄之吾又誰與  
爭公曰晉有三不殆其何敵之有國險而多馬齊楚多  
難有是三者何鄉而不濟對曰恃險與馬而虞鄰國之  
難是三殆也四嶽三塗陽城大室荆山中南九州之險  
也是不一姓冀之北土馬之所生無與國焉恃險與馬  
不可以爲固也從古以然是以先王務脩德音以享神  
人不聞其務險與馬也鄰國之難不可虞也或多難以

固其國啓其疆土或無難以喪其國失其守宇若何虞  
難哉有仲孫之難而獲桓公至今賴之晉有里平之難  
而獲文公是以爲盟主衛邢無難敵亦喪之故人之難  
不可虞也恃此三者而不脩政德亡於不暇又何能濟  
君其許之紂作淫虐文王惠和殷是以隕周是以興夫  
豈爭諸侯乃許楚使使叔向對曰寡君有社稷之事是  
以不獲春秋時見諸侯君實有之何辱命焉椒舉遂請  
昏晉侯許之楚子問於子產曰晉其許我諸侯乎對曰  
許君晉君少安不在諸侯其大夫多求莫匡其君在宋  
之盟又曰如一若不許君將焉用之王曰諸侯其來乎  
對曰必來從宋之盟承君之歡不畏大國何故不來不  
來者其魯衛曹邾乎曹畏宋邾畏魯魯衛偏於齊而親

於晉唯是不來其餘君之所及也誰敢不至王曰然則  
吾所求者無不可乎對曰求逞於人不可與人同欲盡  
濟

春王正月大雨雹

雹公穀  
並作雪

大雨雹季武子問於申豐曰雹可禦乎對曰聖人在上  
無雹雖有不爲災古者日在北陸而藏冰西陸朝覲而  
出之其藏冰也深山窮谷固陰沍寒於是乎取之其出  
之也朝之祿位賓食喪祭於是乎用之其藏之也黑牡  
秬黍以享司寒其出之也桃弧棘矢以除其災其出入  
也時食肉之祿冰皆與焉大夫命婦喪浴用冰祭寒而  
藏之獻羔而啓之公始用之火出而畢賦自命夫命婦  
至於老疾無不受冰山人取之縣人傳之輿人納之隸

人藏之夫冰以風壯而以風出其藏之也周其用之也  
徧則冬無愆陽夏無伏陰春無淒風秋無苦雨雷出不  
震無蓄霜雹疾不降民不夭札今藏川池之冰棄而  
不用風不越而殺雷不發而震雹之爲蓄誰能禦之七  
月之卒章藏冰之道也

夏楚子蔡侯陳侯鄭伯許男徐子滕子頓子胡子沈子小  
邾子宋世子佐淮夷會于申楚人執徐子

夏諸侯如楚魯衛曹邾不會曹邾辭以難公辭以時祭  
衛侯辭以疾鄭伯先待于申六月丙午楚子合諸侯于  
申椒舉言於楚子曰臣聞諸侯無歸禮以爲歸今君始  
得諸侯其慎禮矣霸之濟否在此會也夏啓有釣臺之  
享商湯有景亳之命周武有孟津之誓成有岐陽之蒐

康有鄫宮之朝穆有塗山之會齊桓有召陵之師晉文有踐土之盟君其何用宋向戌鄭公孫僑在諸侯之良也君其選焉王曰吾用齊桓王使問禮於左師與子產左師曰小國習之大國用之敢不薦聞獻公合諸侯之禮六子產曰小國其職敢不薦守獻伯子男會公之禮六君子謂合左師善守先代子產善相小國王使椒舉侍於後以規過卒事不規王問其故對曰禮吾未見者有六焉又何以規宋太子佐後至王田於武城久而弗見椒舉請辭焉王使往曰屬有宗祧之事於武城寡君將墮幣焉敢謝後見徐子吳出也以爲貳焉故執諸申楚子示諸侯侈椒舉曰夫六王二公之事皆所以示諸侯禮也諸侯所由用命也夏桀爲仍之會有緡叛之商

紂爲黎之蒐東夷叛之周幽爲大室之盟戎狄叛之皆所以示諸侯汰也諸侯所由棄命也今君以汰無乃不濟乎王弗聽子產見左師曰吾不患楚矣汰而愎諫不過十年左師曰然不十年侈其惡不遠遠惡而後棄善亦如之德遠而後興

秋七月楚子蔡侯陳侯許男頓子胡子沈子淮夷伐吳執

齊慶封殺之

穀梁曰此入而殺其不言入何也慶封封乎吳鍾離其不言伐鍾離何也不與吳封也慶

封其以齊氏何也爲齊討也慶封弑其君而不以弑君之罪罪之者慶封不爲靈王服也不與楚討也春秋之義以貴治賤以賢治不肖不以亂治亂也孔遂滅賴賴公穀子曰懷惡而討雖死不暇其斯之謂與

秋七月楚子以諸侯伐吳宋太子鄭伯先歸宋華費遂

鄭大夫從使屈申圍朱方八月甲申克之執齊慶封而

盡滅其族將戮慶封椒舉曰臣聞無瑕者可以戮人慶

封唯逆命是以此其肯從於戮乎播於諸侯焉用之  
王弗聽負之斧鉞以徇於諸侯使言曰無或如齊慶封  
弑其君弱其孤以盟其大夫慶封曰無或如楚其王之  
庶子圍弑其君兄之子麋而代之以盟諸侯王使速殺  
之遂以諸侯滅賴賴子面縛銜璧袒輿櫬從之造於  
中軍王問諸椒舉對曰成王克許許僖公如是王親釋  
其縛受其璧焚其櫬王從之遷賴於鄢楚子欲遷許於  
賴使鬬韋龜與公子棄疾城之而還申無宇曰楚禍之  
首將在此矣召諸侯而來伐國而克城竟莫校王心不  
違民其居乎民之不處其誰堪之不堪王命乃禍亂也

九月取鄢

公羊曰滅之則其言取何內大也諱也

九月取鄢言易也呂亂著丘公立而不撫鄢鄢叛而來



故曰取凡克邑不用師徒曰取

○鄭子產作丘賦國人謗之曰其父死於路已爲蠶尾以令於國國將若之何子寬以告子產曰何害苟利社稷死生以之且吾聞爲善者不改其度故能有濟也民不可逞度不可改詩曰禮義不愆何恤於人言吾不遷矣渾罕解曰國氏其先亡乎君子作法於涼其敝猶貪作法於貪敝將若之何姬在列者蔡及曹滕其先亡乎偪而無禮鄭先衛亡偪而無法政不率法而制於心民各有心何上之有○冬吳伐楚入棘櫟麻以報朱方之役楚沈尹射奔命於夏汭箴尹宜咎城鍾離薳啓彊城巢然丹城州來東國水不可以城彭生罷賴之師

冬十有二月乙卯叔孫豹卒

初穆子去叔孫氏及庚宗遇婦人使私爲食而宿焉問  
其行告之故送而哭之適齊娶於國氏生孟丙仲壬夢  
天壓己弗勝顧而見人黑而上僂深目而顴喙號之曰  
牛助余乃勝之旦而皆召其徒無之且曰志之及宣伯  
奔齊饋之宣伯曰魯以先子之故將存吾宗必召女召  
女何如對曰願之久矣魯人召之不告而歸旣立所宿  
庚宗之婦人獻以雉問其姓對曰余子長矣能奉雉而  
從我矣召而見之則所夢也未問其名號之曰牛曰唯  
皆召其徒使視之遂使爲豎有寵長使爲政公孫明知  
叔孫於齊歸未逆國姜子明取之故怒其子長而後使  
逆之田於上衿遂遇疾焉豎牛欲亂其室而有之強與  
孟盟不可叔孫爲孟鐘曰爾未際饗大夫以落之旣具

使豎牛請曰入弗謁出命之日及賓至聞鐘聲牛曰孟

有北婦人之客

謂子

怒將往牛止之賓出使拘而殺諸

外牛又強與仲盟不可仲與公御萊書觀於公公與之  
環使牛入示之入不示出命佩之牛謂叔孫見仲而何  
叔孫曰何爲曰不見旣自見矣公與之環而佩之矣遂  
逐之奔齊疾急命召仲牛許而不召杜洩見告之飢渴  
授之戈對曰求之而至又何去焉豎牛曰夫子疾病不  
欲見人使實饋于个而退牛弗進則置虛命徹十二月  
癸丑叔孫不食乙卯卒牛立昭子而相之公使杜洩葬  
叔孫豎牛賂叔仲昭子與南遺使惡杜洩於季孫而去  
之杜洩將以路葬且盡卿禮南遺謂季孫曰叔孫未乘  
路葬焉用之且冢卿無路介卿以葬不亦左乎季孫曰

春秋經傳比事卷十五  
然使杜洩舍路不可曰夫子受命於朝而聘于王王思  
舊勲而賜之路復命而致之君君不敢逆王命而復賜  
之使三官書之吾子爲司徒實書名夫子爲司馬與工  
正書服孟孫爲司空以書勲今死而弗以是棄君命也  
書在公府而弗以是廢三官也若命服生弗敢服死又  
不以將焉用之乃使以葬季孫謀去中軍豎牛曰夫子  
固欲去之